

朝鮮詩選

乾

5241.49
4045

v.1

藍將軍選刻新鮮詩序

余讀有客白馬詩則感其

婦人之眎遺老曰肥之也

獨怪夫等封解在荒陬亦

意云曰說之以狡童邪來

佯狂兮竄如沒世延州來

之爲者清明既會物色新

乃曰舉以爲封此說近之

邪鮮即筌所封地臂倚牙

遼中隔鴨綠一衣帶雪國

寔系之字藩而其主爲外
心倭氛一熾疆界不崩我
援稍濡李幾不臘世所稱
名將藍弟里浞大司馬授
師分麾當面裹創飲血大

小數十戰戰輒收烹隙則
行巡閭陌周視山川時進
退父老門瘡痍慰疾苦每
令無日畊田无犯于屯宛
然渭濱襟居之風又焉

諸士民之秀慧在四而班
艸荀荆法幕諄執以左曰
親亦法士屯至士民亦稱
蔭公親豕云蓋曰命師奏
凱首尾呈邪鮮在幾三年

得新解投贈詩及士女自
所爲詩幾數百篇皆不彀
手錄而親爲選訂以示
不佞曰以卒業云嗟已
有詩若此夷豈無人獨不謂

曰郊者壘恥在士夫此曰
內也宜嘗膽卧薪寧雕玉
猶月般樂衽危胸孩胎佞
倭鄰邪鮮睥眦朝鮮舊習
生嗜鉛槧忽步功遂羣不

逞心詩非崇邪解朝鮮以
詩句崇耳至如將軍之選
是詩意自深長政以見先
民之餘韻狂存顯蒙之遺
也
可化又以見地有內外

人无古今夏治則夏夷治
則夷亡庸舍擇矣然詩之
爲變未易言也方寸活潑
潑地曰藻何魏曰晉何庾
抑又曰華何夷剡鄒入聖

究竟歸魔迷悟認耳詩
凡如干種入域在較多許
媛鬢之旌亡難稱白眉是
奇之奇者諸詩之中間有
字句卑駁氣韻萎劣者將

軍乃過窳則傷其本來未
若仍存以示信味乎其言
哉彼居戈叢燧數耳而念
且及茲非質有文者不
壯夫人危則懼心
生懇則


奮心起罹茲多難彼六果
俛以式鄰相規壯藩威
而相援勞用以浚化登封
无負山陽明靈也此則將
軍選詩本意云

告

龍飛第曆甲辰春日閩中

玄癰道人吳知遠更伯

撰





選刻朝鮮詩小引

朝鮮古高句麗地周鼎初卜以屬箕封胤
乃淪胥而爲夷唐有征隋屢征勝負不相
償宋竟能割界慈悲元不能得志樂浪其
強可知烏

開國來居我宇下作我藩臣風土記載其
俗柔謹喜文字質以今耳目睹聽亶然不
誣蓋朝鮮之有國自昔稱強即鄰於諸夷

諸夷靡敢乘其壘碩承平忽戒須中倭警
平壤受烽釜山見巢岌岌乎斯邦臣主皆
播越下走以一介夫負韃橐從大司馬後
受一麾行伍間見島醜陸梁髮輒指冠恨
不滅此朝食是役也仗

天威遵廟謨謂宜振落而俘此平酋反不
速而久則牧多於羊走雖殷輪朱趾用殫
此赤腔微細罔足錄故兵家地利鄉導最


先閭嘗晝邁宵征考覽形勢馬蹄人跡幾
半夷疆則見夫田土肥美士民朴秀獨恨
其厥音侏儻莫可致詰見則必先以通引
通引者譯人也譯人有故則寄答問夫楮
穎即馬圈重廝亦工點畫不苦類塗鴉者
士多通詩以至於方之外梱之中在不乏
人初不以韎韐士於翰墨寡所短長時詣
軍幕以詩相投贈或以其國中所爲詩交

出而傳示久而益親習煦若家人情蓋始
信箕賢過化久久不衰而又惜此河山臣
庶幾委封蛇綢繆失計豫虞未陰咎誰執
耶然詩當未選數倍於今時方戒嚴念不
及此久而自忘疎陋親爲訂選共得詩如
千璽爲四部欲以傳信特正其譌本來如
是是姑存之易則有傷是以不敢譖譎朝
鮮可謂夷之華矣以倭兵力何如唐隋宋

元也鄉也角大而其餘今則角小而不足
其故可思而走以爰處長經行廣竊感於
朝鮮之可爲善國云蔣種之後不耨不溉
而禾長以滋華夏之書允棟汗牛而人得
以讀若君若臣斯時斯際彼果色談虎之
談思痛後之痛枕中夜之薪而求以中倭
不且步箕公之武以丕變夷風永作綏忠
藩豈第詩申諸夷乎諸夷不敢班狂倭辟

易矣

藍芳威萬里識



朝鮮詩選全集

昌江藍芳威萬里選

滙東祝世祿無功閱

蕭口吳知過更伯

東萊韓初命全校

五言古詩

附四言

麥秀歌

箕子

昔殷紂殘虐無度醢九侯脯鄂侯
剖比干囚箕子天下叛之於是武
王伐紂有天下箕子避居朝鮮武
王即其地封焉後箕子朝周過殷
墟作麥秀歌以傷之

麥秀漸漸兮禾黍油油彼狡童兮不我好

仇

至德歌

箕子既就封朝鮮教民以禮義厥
陋用化百姓懷之以大同江比黃
河歌頌其德

河水潏潏兮曷維其極兮日月休光兮維
后之懿德兮

涼谷歌

高句麗琉璃王

初琉璃王娶于漢女而美立為妃
其后不相能也因東西其宮居之
他日王出獵后使人誹妃妃怒率
宮人潛走歸漢王知而自追之及
于涼谷妃不肯還王因作歌妃悅
乃還

翩翩黃鳥雌雄相依念我之獨誰與其歸
贈隋右翊衛大將軍于仲文

高麗乙支文德

高句麗屢侵新羅新羅告急于隋
隋煬帝自將一百三十萬八千餘
人伐之既克遼城遣大將軍于仲
文等將三十萬人分九道進攻平
壤高句麗遣乙支文德詐降觀虛
實文德入軍知隋師饑復引兵接
戰佯敗仲文追不止文德遣詩仲

文仲文不悟次日濟博川江將進
攻平壤軍半濟文德乃出銳師萬
人從間道自後擊之隋師大敗得
還者三千八百餘人

神策究天文妙筭窮地理戰勝功既高知
足願云止

太平詩

新羅女主勝曼

唐貞觀五年新羅真定王卒無子

立其女德曼為王德曼卒立妹氏
勝曼為王勝曼有大畧能詩朝貢
甚謹新羅與百濟高句麗相隣屢
被侵伐喪數十城勝曼請師于唐
唐遣將助之大捷勝曼乃作詩躬
織錦文以獻

大唐開洪業巍巍皇猷昌止戈戎衣定修
文繼百王統天崇兩施理物禮含章深仁

四
諧日月撫運邁時康
幡旗何奕奕鉦鼓何
鏗鏘外夷違命者剪
伐被天殃淳風凝幽
顯遐邇兢呈祥四時
和玉燭七曜巡萬邦
維嶽降宰輔維帝任
忠良五三成一德昭
我唐家光

書懷

崔致遠

萬事相糾紛憂樂亦
多端居富苦未足處
貧孰能安達人乃遺
榮超然獨冥觀誰言

耻折腰林壑宜早還力耕亦有穫庶免饑
與寒平陸起風波坦途生險難謝絕世上
交物累寧我干田父時時至農談共開顏
去計山日夕寂寞掩柴關知音苟不存已
矣何足嘆

江南曲

江南春風動有女嬌且憐妖冶耻鍼線粧
罷調管絃自謂芳菲色長對豔陽年却咲

隣家女終日弄機杼機杼縱勞身羅衣不
到汝

快意行

無名氏

我有并州刀剪取滄溟水手探驪龍窟爭
珠風浪裏巨浸凌太空雷電一時起捋鬚
捫其頷健奪然後喜

野興

金克己

獨行四五里漸下蒼山根鳥蒼忽飛起始

見桑柘村

又

幽深荒草徑下馬繫枯柳何處白頭翁並
肩來貿貿山盤獻枯魚野榼供新酒咲歌
墟落間荒狂便濡首雖慚禮數薄尚倚恩
情厚倒載赴前村兒童齊拍手

田家即事

李資玄

九月霜風寒田畝事收穫丁壯盡在村老

弱獨看屋負禾各自行日入務還息親戚
相與會話言無雜客茲歲雖未登亦足具
饘粥來者且勿憂濁醪懽此夕夜深扶醉
歸皎皎塲月白

雜詩

崔惟清

默默復默默百年會有極頭上麻已踈眼
前花漸黑春至苦無棕夢歸竟何益舉頭
望長安白日在西北

又

六載遊揚州

即漢陽城

五賞揚州春揚州春似

舊老面忽已侵壯志日消歇風光逐時新
惜哉街前柳依依猶向人

西郊草堂

李奎報

帝鶯滿村樹簷燕傍人飛童僕方巾車促
我南畝歸林深影尚黑草露猶未晞田嬾
白葛裙田夫綠麻衣勉哉趣菖杏

東國以菖葉杏

花為
農候 耕獲慎勿違

古風

山中有故人貽我尺素書
學仙若有契此世真遽
廬軒裳非所慕木石難與居
不如飲美酒生死任所如

詠史

疆秦若翼虎趙氏真首鼠
特會非同盟安危在此舉
相如膽如斗伏劒立左右
叱吒

生風雷萬乘自擊缶桓桓百萬兵一言有
重輕廉頗伏高義犬子慕其名駕言池上
遊去我今幾秋餘威起毛髮樹木寒颼颼

感遇

李齊賢

膏車邁行役登彼太行山黃流奔其下碩
瞻王亳間茫茫皆異國雙墳對巍然借問
何代人龍逢與比干不忍宗國墜忠義裂
心肝手排閭闔門抗辭犯主顏自古有一

死偷生非所安寥寥千載下英烈橫秋天

遠遊歌

置酒賓滿堂起舞歌遠遊遠遊亦何方九
州復九州朝赧洞庭波暮泊易水流翼翼
唐虞都崇崇殷夏丘峩峩靈臺高靄靄祥
雲浮四顧騁遐矚邈矣不可求

又

繼世何莫述王風日以偷祖龍呀其口一

舉吞諸侯阿房與天齊
元在蜀山頭禍隱
魚狐間一朝起項劉孰非出民力得失如
薰蕕徘徊感令昔雙涕徒自流
高麗恭愍王務崇宮
室高影殿不惜民力
故作此以諷諫也

雜詩

李穀

山居畏虎豹水行畏蛟蜃
人生少安處肘
下生白刃

妾命薄

生不識人面長大在深屋結髮忻有歸詎
識珉欺玉憎愛古難常朝歡暮成哭悵悵
歌圓扇明月縣金屋金屋夜難曉寒虫鳴
露草世無相如才誰能復舊好

結廬

鄭 淵

結廬在澗谷地僻心幽然山光滿席上澗
水鳴窓前高歌紫芝曲靜撫朱絲絃門無
車馬至此樂可忘年

蠶婦

蠶生桑葉長蠶大桑葉稀
流汗走朝夕非緣身上衣

污吏

鄭樞

城頭烏亂啼城下污吏集
府牒昨夜下豈辭行露濕
窮民相聚哭子夜誅求急
舊時千丁縣令朝十室
邑君門虎豹守此言何
自入白駒在空谷何以得
維繫

感遇

鄭夢周

北風何慘裂吹折松與栢
溟海亦震蕩魚龍失其宅
天地將窮閉聖賢徒嘆息
黃虞邈難逮行矣西山客

又

西山何所有深谷多芳薇
采采者誰子叔齊與伯夷
食粟良可耻采薇非為饑
姬氏除暴亂八百會不期
天下皆稱聖斯人獨

是非高節凜千祀綱常以扶持

又

淳風去已遠世道日幽昧征伐降殷周祥
麟竟遇害鳳凰化鷄鶩蘭蕙為蕭艾嗟哉
孔與孟大意屢顛沛時運既如此生民復
何賴人心如雲雨翻覆忽須臾素絲變其
色安能復其初啞啞羣飛鳥集我田中廬
雌雄竟莫辨泣涕空欷歔

高麗辛禍王淫而不德侍中李

世林書之怪夢周一國之重臣憂
權之下移悲而歌之其志遠矣

古意

李崇仁

山翁得乳虎養之置中園馴擾日已長押
近如家豚婦言虎性惡翁怒愛愈敦畢竟
噬翁死寧復顧前恩人皆笑翁癡我獨為
翁冤莫涉銀漢水莫登青雲途無波能覆
舟平地亦摧車曾參終殺人薏苡為明珠
但識讒者巧孰云聽者愚浮生似幻化是

非兩空無何如東門侯種瓜手自鋤

崔瑩相辛

禍王引

為大將軍後

辛

禍而殺崔瑩更立恭讓王瑤

沈德符

相之德符忤二流之遠鳥以鄭夢周代之崇仁夢周弟子也深憂而作此詩

詠史

重關凌晨開石路高縈迴紫氣凌光景縹緲東南來翩翩彼何客行行騎青牛輕烟覆其上翠霧承其袞惆恍歛明晦宵眇聞笙竽生年不知幾顏色正敷腴紺童結皓

齒骨如松鶴臞關尹識真人出拜為踟躕
昔為柱下隱今向寥天遊人命如蜉蝣一
往不可留二氣化自然而我操其軀衆妙
發玄牝萬物母虛無為尹寓微言至道豈
多書逝將返希夷永超塵世區崑崙渺何
許欲往不可從千秋去寥廓白雲無遺蹤

又

王風日以降瞻烏于誰屋秦售十二城趙

誇如此壁宿昔相如子風雲氣絕倫忽承
趙王命携壁西入秦強秦尚詐術弄壁城
不入公子怒見欺裂眚睨柱立全壁歸趙
廷位列廉頗左計謀日云拙幾作渑池虜
壯士豈若此公子非真勇暴虎復憑河事
有輕且重兩國爭噬噬壁乃秦兵餌天地
相顛倒血成滄海水強弱自有分竟入秦
王府邯鄲白骨寒鬼哭千萬古

感興

卞季良

字巨卿号春亭
高麗福朝乙丑生
洪武四年二月卒

綺樓一何麗照耀浮雲邊樓中有佳人容
色妖且妍一咲竟不發芳心誰為傳試取
鳴琴彈哀聲飛青天願為君子述偕老終
百年

田家

成侃

蓐食向東陌暮返荒村哭衣裂露兩肘鉗
空無儲粟稚子牽衣啼安得饘與粥里胥

來促租老妻遭束縛踰墻陟崢嶸十日竄
荆棘潛身蹊澗行日入厓谷黑魑魅憑岩
嘯淒風振林木凜然魂魄迷一步三嘆息
嗟彼黠吏徒誅求何日速公門非不仁汝
輩心甚毒

古曲

龍門百年桐幾日凌霹靂裁為膝上琴宛
抱咸池曲高歌試一彈中夜山鬼泣君子

亦如此蓋棺事迺畢

擬古

成倪

今日良宴會嘉賓滿高堂綺肴溢雕俎美
酒盈金觴左右燕趙姬眉目婉清揚朱絃
映皓腕列坐彈宮商流年雙轉轂倏忽鬢
已霜相逢且為樂何用苦慨慷金張竟何
許壘壘歸北邙

陽德驛

申叔舟

北塞歸遠途千里度陵谷日暮投陽德館
宇半茅屋輕風吹枯枝短垣依斷麓雨歇
行雲低山深聽鳴鹿坐久正蕭然清溪走
寒玉遠客自無寐呼童剪殘燭

有懷

鄭希良

我愛權氏子相從自結髮伯也負意氣仲
也挾奇骨吾常倚其間屹立而鼎足宿昔
互爭霸詩酒作勍敵決志恐難全歛刃各

堅壁令也吳蜀魏長江限南北形影已寂
寥魂夢亦緬邈思之不可見獨立歌伐木
送友人

王衡指南陸熏風忽西吹徘徊登高原悠
悠勞我思浮雲日夕征遊子將何之丈夫
多意氣不作兒女悲人生非參商會合諒
有時但願崇令德功名及芳菲

感懷寄澣之

迢迢山上雲瑩瑩澗底水年華與人事遷
逝當何已思與君會合星散不可止君辭
雲山遊我隱薜蘿裡別時秋尚素倏忽向
窮冬昔作興苗雨今為離土蓬歲晏高風
起山色日崢嶸良時難再得君乎念友生

輓歌

浮生一虛夢舉世皆未覺靡靡空中絮東
西互飄泊譬如歸山雲徐疾紛相錯日暮

澹無蹤鳥沒天寥廓乃知昧者悲至人脫
羈縛深松間茂栢地下正相樂捐棄勿復
道天地會銷鑠

遊鄭氏池亭

金 淨

主人發天秘籬落成滄浪孤亭如鳬鷺載
我浮中央清飈扇巾幘山翠滴壺觴游魚
聚簷影飛絮冒海棠聊將倦遊客一笑酬
年光森森萬竿竹飈沓驅商羊鏡面亂浮

沫藻荇相扶將
湏臾動漣漪
草木耿斜陽
禱龍潭

猿呼鵲復噪
四山忽已暮
回汀塞杜若
葉葉露涼露
聊就菰蒲眠
秋聲在高樹

夢長源

李肇

悠悠一遠別
終歲無消息
今夜入我夢
情親慰斯憶
關塞道路長
怪君主羽翼
告歸何匆匆
欲挽安可得
微風動簾櫳
聲歎猶

在側願言頻會面無使我心惻

晨霜

崔慶昌

高山變夕氣疎林振涼颼晨霜覆林屋秋
陽照未消擁褐怯早寒幽戶掩終朝歲華
忽云暮群芳婁以凋嗷嗷聞歸雁仰觀天
宇高山水澹無輝原野正蕭條窮居感顏
運朱顏日復銷所思不可見獨立成閒謠

感遇

尹根壽

疾風凋勁草洪波折砥柱勁草豈無節砥
柱亦云固風波苦飄蕩奄忽變其素古來
功名士多為時所誤魯連去已久高風千
載慕扼腕發浩歌含情泣中路

懷陽道中

李達

李達字子瞻
明宗朝人

十月發漢陽今在交州道交州雨雪多明
發恐不早相思隔重關一夜令人老

庚戌秋夕同李順卿翫月別後却寄

平生愛明月明月不長圓對月思故人故
人天一垠令夕是何夕月與人共適皎皎
月如霜溫溫人似玉月落人未眠人歸月
又生人固有會散月亦有虧盈人與月相
違佳期相參差一月月一圓對月長相思

秋夜

今日非昨日明朝復何時陰陽互運化四
時相催移百年能幾何徒令我心悲哀哉

名利人至老猶未知貴者多驕奢賤者多
詭隨榮華逐電光身後有餘譏彼美君子
士中心無磷緇高高雲月情皎皎冰雪姿
庶將垂不朽千載以為期

夢友人

故人在萬里夜夢或見之草草勞苦色瑣
瑣羈旅姿誰謂別離久宛若平生時湖海
足波浪道途多嶮崎君今無羽翼何以忽

來茲夢覺轉悽惻斜月映簾帷

上元夫人

許筠

岩峩崑崙山清淺弱水流弱水不可涉相
思三千秋霜飛烟空濶月照岩桂幽之君
黃金液遺我紫霞裘崑山有歸雀惆悵寄
離愁

感遇

君好堤邊柳妾好嶺頭松柳絮忽飄蕩隨

風無定蹤不如歲寒姿青青傲窮冬好惡

苦不定憂心徒忡忡

箴女弟適金城立賢而不愛以此而發乎

聽子野琴

許筠

秋風入高樹幽齋聞清音誤疑在溪壑不知傍有琴我愛康子野與世任浮沉美哉恬澹質滌我塵垢心

送盧判官

秋山懸夕照客意已悲涼况復當此時送

君歸故鄉相對茅簷下燈火吐清光佳人
抱瑤瑟促柱傾壺觴殷勤須盡醉明發各
茫茫

平壤送南士還天朝

公子中州彥緬邈青雲姿詩情敵謝眺賦
筆凌左思慷慨請長纓萬里東海涯壯志
未劇壘歸驂忽西馳箕郊尚秋熟行李多
嶮巇知音既云稀况復將遠離長路漫浩

浩念之涕雙垂

又

弱齡有遐想栖遲在丘壑玩世咲東方隱
几師南郭中年來城市誤為簪組縛誰言
珥彤管素志非黃閣公子稽山秀為說稽
山樂萬壑夾崖流千巖當鏡落天台與雁
宕相峙對冥莫所恨天一方不得凌垠嶠
尚異通關梁東南騁行脚徘徊雲門寺携

手翔寥廓

班竹怨

趙媛妾李淑媛

二妃昔追帝南奔湘水間有淚寄湘竹至
今湘竹班雲深九疑廟日落蒼梧山餘恨
在江水滔滔去不還

採蓮曲

南湖採蓮女日日南湖歸淺渚菱子滿深
潭荷葉稀盪漿嬌無力水賤越羅衣無心

却回棹貪看鴛鴦飛

有所思

許景樊

朝亦有所思暮亦有所思所思在何處萬
里路無涯風波苦難越雲雁杳何期素書
不可託中情亂若絲

望仙謠

王喬呼我遊期我崑崙墟朝登玄圃峯遙
望紫雲車紫雲何煌煌王蒲正渺茫倏忽

凌天漢翻飛向扶桑扶桑幾千里風波阻
且長我欲舍此去佳期安可忘君心知何
許賤妾徒悲傷

鳳臺曲

秦女侶蕭史日夕吹參差崇臺騎彩鳳渺
渺不可追天地以永久那識人間悲妾淚
不可忍此生長別離

古別離

轉轉雙車輪一日千萬轉同心不同車別
離時屢變車輪尚有迹相思獨不見

感遇

盈盈窓下蘭枝葉何芬芳西風一夕起零
落悲秋霜秀色總消歇清香終不死感物
傷我心流涕霑衣袂

又

古屋晝無人桑樹鳴鵲鷦蒼苔蔓玉砌鳥

崔巢空樓向來車馬地今成狐兔丘信哉
達人言憾憾復何求

又

梧桐生嶧陽鳳皇翔其傍文章爛五色
啗千仞岡稻粱非所慕竹實廼其食柰何
桐樹枝棲彼鵑與鳶

寄伯氏筠

暗窓銀燭低流螢度高閣悄悄深夜寒蕭

蕭秋葉落關河音信稀
沉憂不可釋遙想
青蓮宮山空蘿月白

莫愁樂

家住石城下生長石城頭
嫁得石城壻來
徃石城遊

築城怨

千人齊抱杵土底隆隆響
努力好操築雲
中無魏尚

貧女吟

豈是無容色工鍼復工織
少小生寒門良媒不相識

又

夜久織未休
戛二鳴寒機
機中一疋練
終作阿誰衣

朝鮮詩選全集

昌江藍芳威萬里 選

滙東祝世祿無功

全閱

東萊韓初命康侯

莆口吳知過更伯全校

七言古

長短附

憂思曲

新羅納祇王

實聖王質柰勿王子卜好于高句

麗又質末斯欣于倭其兄納祇王

立

晉義熙十三年立

思其二弟欲歸之不

可得衆舉太守朴堤上者往說高

句麗遂歸卜好堤上復說倭令末

斯欣潛歸二弟既還王大喜及見

握手相泣置酒宴飲酒酣王自作
歌以宣其志

棠棣花隨風落扶桑扶桑萬里何洋洋縱

有音書那得將棠棣花隨風返雞林

新羅王都

也雞林春色擁雙闕歡歌未斷墮殘月

鷄迷嶺

古辭

朴堤上說高句麗既歸卜好而還
不過其家即往說倭其妻追之及

于栗浦時堤上已濟栗浦從舟中
揮手而去堤上至倭給倭王令斯
欣逃歸倭王怒讓堤上堤上不服
乃剝其足皮刈兼葭使行其上堤
上終不服乃燒殺之其妻聞堤上
死登鷄嶺南嚮痛哭而絕其精爽
為鷄嶺神母云時人歌之

鷄迷嶺頭望日本粘天鯨浪無涯岸良人

去時但揺手生歟死歟音耗斷音耗斷長
別離寧復相見時呼天便化武昌石烈氣
千秋干霄碧

確樂

百結先生

新羅慈悲王時有隱君者慕榮啟
期之風隱居狼山其衣百結因呼
百結先生常以琴自隨有不稱意
輒取琴寫之歲暮無粟其妻聞隣

家杵聲以為歎先生取琴作杵聲
而慰之

東家砧搗寒襖西家杵舂黍稻東家西家
砧杵聲歲暮之資羸復羸儂家之窖乏甌
石儂家之箱無尺帛懸鶉衣黎羹碗榮期
之樂足飽暖老妻老妻莫謾憂曲肱之樂
那可求

醉時歌

金克己

釣必連海上之六鰲射必落日中之九鳥
六鰲動兮魚龍震蕩九鳥出兮草木焦枯
男兒要自立奇節弱羽纖鱗安足誅紫纓
雲孫始墮地自謂壯大陳雄圖鍊石欲補
東南缺鑿硿將通西北迂嗟哉計大未易
報半世飄零為腐儒不隨馮異西登隴不
逐孔明南渡瀘論詩說賦破屋下却把短
布包妻孥時時壯憤掩不得拔劍斫地空

長吁何時乘風破巨浪坐令四海如唐虞
君不見凌烟閣上圖形容半是書生半武
人

孤雁行

洪侃

五侯池館春風裡微波鱗鱗鴨頭水闌干
十二繡戶深中有蓬萊三萬里紡緗杜若
紫鴛鴦倚拍芙蓉金翡翠雙飛雙浴還雙
棲綵羽雲衣恣遊戲君不見十年江海有

孤雁舊侶微茫隔霄漢徘徊顧影時一呼
蘆花索莫風霜晚

貧婦吟

雲窓霧閣秋夜長流蘇寶帳芙蓉香吳歌
楚舞樂未央銀燭萬丈何暉光貧家有嬾
無完衣績紡未成秋雁歸夜深燈暗雙淚
落一寸願分東壁輝

白絲吟

白元恒

白絲皎皎雪華白機上新紋眩紅碧美人
欲裁公子衣纖手殷勤把刀尺姑惡姑惡
姑果惡不許儂家事縫作古來巧語悅如
簧使妾掩泣還故鄉出門背立佇風雪西
北萬里雲天長雲天遙遙郎不見斷蓬路
杳心茫茫欲彈朱絃世無耳空嗟白日東
流水白絲一染無白絲棄妾重來應有時

汾河

李齊賢

汾河日夜流浩浩兩岸行人幾迴老陶唐
舊物山獨在萬古興亡青未了劉郎曾此
歌秋風簫鼓動地愁魚龍平生謾有凌雲
思不見神人冰雪容

姑蘇臺懷古

元延祐己未李齊賢從高麗忠宣
王降香江南至寶陀山道經三吳
登姑蘇賦此

二卷
六
苧蘿佳人二八時玉質不勞朱粉施吳宮
歡笑何時畢正是稽山嘗膽日姑蘇城外
江水波鵝夷一去今若何

王昭君

安軸

君王曉開黃金闕氈車鱗鱗北使發明妃
含淚出椒房有意東風吹鬢髮漢宮秦塞
漸茫茫逆耳悲茄秋夜長可憐穹廬一眉
月曾照當年宮裡粧將身已與胡兒老唯

恐紅顏凋不早琵琶絃中不盡情
冢上年年見青草

江南柳

鄭夢周

江南柳江南柳春風裊裊黃金絲
江南柳年年好江南行客歸何時
蒼海茫茫波萬丈鄉關遠在天之涯
天涯日夜望歸舟坐對落花空淚流
但識相思苦那識長路阻人生莫作遠
遊客少年兩鬢如霜白

田父行

成侃

隴雉雙飛草深碧隴上老人長嘆息我生
今年七十餘手脚胼胝面黧黑男婚女嫁
知幾時短衣襤衫纔掩膝昔年召募度流
沙萬里歸來髯如雪殷勤荷戟還荷鋤石
田峽角牛蹄脫牛蹄脫兮空汗流獨坐茫
然心斷絕

水綿詞

成侃

江南木綿色逾白晴雪紛紛鋪簾席小機
搖作鴉櫓聲軟孤彈罷秋雲積殷勤少婦
坐夜闌風吹粉絮縈烏鬟絲僵水澁機杼
促札札輕梭玉指寒肝腸欲絕愁難絕孤
燈炯炯光明減半將裁剪小兒衣半將裁
剪寄金微銅壺催曉眠不得淚水點點明
羅幃

古意

徐居正

海底珊瑚高幾丈千年試作千尋網萬牛
挽出滄溟深蛟龍怒號霹靂響扶桑日浸
紅濤熱光華照耀黃金闕李倫本是麤男
兒金椎一擊絲如雪

會蘇曲

金宗直

七月望日新羅儒理王使王女各
率六部女子績于廣庭八月望日
乃考其工負者設酒相與歌舞百

戲皆作謂之嘉俳是時負者起舞
而歌曰會蘇蓋方言也未詳

會蘇曲會蘇曲西風吹廣庭明月滿華屋
王姬壓坐理繅車六部女兒多如簇爾筐
既盈我筐空醅酒揶揄歌相逐一嬾歎千
室勸坐令四方勤杼軸

黃昌郎

黃昌郎即俳清郎也八歲時為新

羅王殺百濟王乃往百濟舞劍于
市觀者如堵百濟王聞而竒之召
入宮令舞劍因刺殺百濟王後人
作假面以象其舞今考其史傳絕
無左驗其舞尚傳云

若有人兮方離齟身不三尺一何驍平生
汪錡我所師為國雪恥心無慘劍鐔向頸
股不栗劍鐔指心目不搖嗟爾千乘如蓬

蒿

夜雨

鄭希良

九疑嵯峨楚雲碧
鷓鴣啼雨湘江夕
寒聲淅瀝何淒淒
竹間哀淚懸餘滴
楚些為招帝子魂
月恨風愁天亦泣
孤帆一夜滯未歸
遠客蕭蕭生白髮

秋望

秋光濃淡雨復晴
海波不動含深綠
平沙

若剪雲嵯峨雁背斜光斷還續西風吹影
落魚磯字字新出臨池墨稻梁離離網弋
多急向蘆花深處宿

又

渡頭楓樹霜初結海風吹滴猩猩血秋光
上下鏡面平清光一片琉璃徹沙頭眠鷗
忽驚起客帆飛去波明滅烟水蒼茫野牧
歸數聲短笛吹新月

江村

青山影空釣石寒海門秋色濃可掬漁人
帶簑臥不驚沙鳥欲起還相逐一聲款乃
及暮歸南隣喚酒酒初熟絲絲細雨急收
網一抹斜陽掛枯木

秋月

湖水澄澄秋影寒露洗風吹涼桂魄君山
玉樹森可數老虬抱珠眠不得夜深哀響

落雲間朱絃玉柱隨風發骨清水冷我欲
仙擬向蓬萊訪金闕

秋閨

金 淨

木落千山江杳杳秋空一雁秦雲渺空堦
月皎蛩音長蔓草露滴螢光小耿耿殘燈
夜半過紅樓西畔落星河邊衣剪罷寒不
寐颼颼西風鳴敗荷

流民歎

魚無跡

蒼生歎雨露雨露爾無食我有濟爾心而
無濟爾力蒼生苦年貧年貧寒無襟彼有
濟爾力而無濟爾心暫借君子耳試聽小
人語願迴小人心暫為君子慮小民有語
君不知今歲蒼生失棲止君王屢下憂民
詔州縣傳看一虛紙特遣京官問民瘼驛
騎日馳三百里小民含淚空歎歎欲訴公
庭狼虎峙昨宵縣令促征租胥吏鞭楚無

完膚丁男踰垣遠出走入夜無人関户牖
縱使一郡一京官京官有耳民無口何如
喚起汲淮陽未死子遺猶可救

楊柳詞

鄭惟吉

海燕雙飛細雨收依依嫩葉垂青樓紅粧
美人出簾下玉面仙郎繫驄馬青驄駿足
難久留美人掩面含春愁東風二月吹紫
陌千條裊裊黃金色可憐攀折取長條泣

向斜陽贈遠客君不見承恩殿前淑景和
未央宮裏春風多年年雨露近椒掖枝枝
拂地三千尺金爐沉屑翠烟橫碧堦流影
天香襲長樂鍾聲起玉人明鏡蛾眉描黛
色玉環含笑學腰肢纖纖手弄纖纖絲漁
陽鼙鼓一朝舉故宮曙色春無主悲涼清
蹕蜀山遙空聞落日啼鶯語風枝依舊細
腰非紅粧忽逐狂風飛人間悲樂跡如掃

流水無聲碧天杳古今宮闕高嵯峨試看
幾處埋秋草

從軍行

安 璪

關雲漠漠關雪堆北風慘慘山木摧長河
冰合馬蹄滑沙塞日落胡笳悲自恨少小
係軍籍愁枕金戈眠不得苦寒苦饑不敢
言誰人不畏將軍律中宵愁歎何紛紜猶
將膏血輸將軍將軍好服黑貂服十貂皮

當金十斤將軍獨嗜太牢味一日軍中九
牛斃山無餘貂野無牛誅歛無窮筭楚至
鼎中粒機中布日日輸入將軍庫將軍日
富士日瘠欲往訴之逢彼怒君王每憂軍
士寒毛衣布衲輸歲闌將軍分給苦不遍
肌膚凍裂手拘攣蝗蟲歲旱無歲無不聞
賑恤聞催租阿翁棄姑兒棄婦過半相携
逃入胡胡中艱辛不可說猶勝將軍浚膏

血將軍將軍胡不去去作公卿一軍悅天
門杳杳嚴九閼御史紛紛深閉舌廉頗李
牧不復生激烈悲歌腸內熱

李少婦詞

崔慶昌

鉄原李淑卿歸梁文學無何梁文
學應試漢京遂及第擢弘文館不
還淑卿懷之鬱抑而死聞者悲而
哀之作歌以表其貞靜專一之志

云

相公之孫鉄城李養得幽閨天質美幽閨
不出十七年一朝嫁與梁家子梁家之子
鸞鳳雛珊瑚玉樹交枝株池上鴛鴦本成
匹園中蛺蝶何曾孤丈夫壯志仕遠方山
川阻絕道路長兒女含情不忍別一別那
堪腸斷絕高梧葉落黃花香忽驚今日重
陽節佳晨依舊復誰在滿苑茱萸不堪採

更上高樓望遠天
天涯極目空雲烟
不向旁人道心事
回頭滴淚空潛潛
牛羊歸盡山欲夕
門外終無北來客
此身願得歸泉土
死後那知離別苦
春花易落蘭早摧
鳳臺翠幄垂蛛絲
芳魂不作武昌石
定寄湘江斑竹枝
斑竹枝頭杜鵑血
血點淚痕俱不滅
青山碧草夜茫茫
千古香魂墳上月

牽情引

許筠

熊州樓觀飛雲外白簡霜威凌皂蓋組練
三千引繡衣羅裙二八鳴珠帶九華之帳
香氤氲寂寂瓊樓午夜分苧里佳人嬌薦
枕巫山仙子渺行雲牽情夢罷看歸路別
恨迢迢隔烟霧妾心苦作藕中絲郎意何
如荷上露錦水東西楊柳新往來愁殺斷
腸人欲將心事寄青鳥芳草年年空復春

朝鮮祖述唐宋故事驛亭皆設官妓詩以
弘文館遷臺諫按部行縣其所遇歌妓若

此

出山別元叅學

花宮星斗寒相映
疊疊春山聞夜磬
楚客初招萬里魂
胡僧暫起經年定
王孫綠草漸芳菲
松月留人歸未歸
歡喜嶺頭叢桂暗
芙蓉峯下怪禽飛
荷衣蕙帶宿雲濕
寶殿沉沉鬼神泣
明日朝陽江上行
知君惆悵溪頭立

鏡囊詞

江南女兒當窓織染得深潭千丈黑什襲
珍包入尚方五丁輸取歸東國幾年箱篋
有餘香為君裁作明鏡囊囊裡青銅明似
月鏡中玉貌春花光青銅可磨石可轉唯
有此心終不變欲識中情長憶君日日揭
囊看鏡面

江天曉思

許筠

西飛燕東流水人生倏忽春夢裡一夜狂
歌不盡歡十年惆悵情無已渚烟汀樹春
朦朧曲欄珠箔星在東蘭臺鳴鼓逐曉發
輕帆一片飛長空

薤珠曲

雲窓霧閣何夜長
湘簾明月低銀床
玉斧真人年正少
羅衾好綰雙鴛鴦
蘭燈縈縈照盡閣
欄外絳河猶未落
宿香乍染翡翠衾
嬌雲未散芙蓉幕
佳人風骨廣寒仙
霞裾六葉裁輕烟
羽蓋朝朝向玄圃
蟠桃花發三千年

贈李文學

妖氛七載暗海城

天子側席求群英
錦韉曉發薊門樹寶弓
夜渡沮江雨沮江南去是王京
暫解雕鞍坐幕府
相逢遂旅開襟期
識我故抱烟霞姿
開囊遺我一幅畫
高價已超韓幹馬
杏花如咲鳥如歌
新詞爛爛飛天葩
近世雖稱七才子
如君雅調猶名家
令我幽居忽生色
終夕摩挲三歎息
虎頭功合冠烟閣

白眼吾堪置丘壑功成他日訪玄度寫我
騎驢入廬霍

古別離

李氏

西隣兒女十五時咲殺東隣苦別離豈知
今日坐此恨青鬢一夜垂霜絲愛郎無計
繫驄馬滿懷都是風雲期男兒功名自有
日女子盛歲忽已馳吞聲那敢歎離別掩
面却悔相見遲聞郎已過康城縣抱琴獨

對江水湄妾身恨不似江雁翩翩羽
遙相隨粧臺明鏡棄不照春風寧復吹羅帷
天涯魂夢不識路人生何處慰愁思

望仙謠

許景樊

瓊花風細飛青鳥王母麟車向蓬島
蘭旌蕙帳白雉裘咲倚紅欄拾瑤草
天風輕拂翠霞裙玉環金珮聲琅琅
素娥兩兩鼓琴瑟三花珠樹春雲香
平明宴罷芙蓉閣碧

海青童乘白鶴紫簫聲裡彩雲飛露濕銀
河曉星落

湘絃曲

蕉花泣露湘江曲點點秋烟天外綠水府
涼波龍夜吟蠻娘輕憂玲瓏玉離鸞別鳳
隔蒼梧雨氣浸江迷曉珠神絃聲徹石苔
冷雲鬟霧鬢啼江妹瑶空星漢高超忽羽
蓋金支五雲沒門外漁郎唱竹枝銀潭半

掛相思月

四時歌

春歌

院落深深杏花雨
鶯聲啼遍辛夷塢
流蘇羅幙春尚寒
博山輕飄香一縷
鸞鏡曉梳春雲長
玉釵寶髻蟠鴛央
斜捲重簾帖翡翠
金勒雕鞍歎何處
誰家池館咽笙歌
月照清尊金叵羅
愁人獨夜不成寐
絞綃曉

起看紅淚

夏歌

槐陰滿地花陰薄
玉簟銀床敞朱閣
白苧新裁染汗香
輕風洒洒搖羅幙
瑤階飛盡石榴花
日轉晶簾影欲斜
雕梁畫永午眠重
錦茵扣落釵頭鳳
額上鵝黃膩曉粧
鶯聲啼起江南夢
南塘女兒木蘭舟
采蓮何處歸
渡頭輕橈漫唱橫塘曲
波外夕陽山

更綠

秋歌

紗厨爽氣殘宵迥露滴虛庭玉屏冷池蓮
粉落夜有馨并梧葉下秋無影金壺漏徹
生西風珠簾唧唧鳴寒蟲金刀剪取機上
素玉閑夢斷羅帷空縫作衣裳寄遠客蘭
燈熒熒明暗壁含啼自草別離難驛使明
朝發南陌

冬歌

銅壺一夜聞寒枕紗窗月落鴛鴦冷烏鴉
驚飛轆轤長樓前候忽生曙光侍婢金瓶
漉鳴玉銀盆水澁胭脂香春山欲描描不
得欄干佇立寒霜白去年照鏡看花柳琥
珀光深傾夜酒羅帳重重圍鳳笙玉容今
為相思瘦青驄一別春復春金戈鐵馬瀚
海濱驚沙吹雪冷黑貂香閨良夜何迢迢

弄潮曲

妾身嫁與弄潮兒
妾夢依依江水湄
南風北風吹五兩
上船下船齊盪槳
桃花高浪接烟空
杳杳歸帆夕照中
慎勿沙頭候風色
佳期不來愁殺儂

山鷓鴣詞

山鷓鴣長太息
碧霄翠霧浮綠蘿
寒月黑苦竹嶺上秋
聲催苦竹嶺下行人稀
蒼梧

烟凝雁門冷南禽北禽相背飛關塞迢迢
幾千里腸斷行人淚滿衣憑君莫問南與
北迢迢雲山行不得

山嵐

暮雨侵江曉初闌朝日染成嵐氣碧經雲
緯霧錦陸離織破瀟湘秋水色隨風宛轉
學佳人畫出雙蛾半成蹙俄然散作雨霏
霏青山忽變如新沐

朝鮮詩選全集

昌江藍芳威萬里選

滙東祝世祿無功闕

莆口吳知過更伯

東萊韓初命全校

五言律詩

附排律

贈雲門蘭若智光上人

崔致遠

雲畔搆精廬安禪四紀餘
筇無出山步筆絕入京書
竹架泉聲遠松標日影疎
境高吟不盡瞑目悟真如

宿金壤縣

高兆基

鳥語霜林曉風驚旅榻眠
簷殘半規月夢斷一涯天
落葉埋歸路寒枝冒宿煙
江東

行木盡秋老水村邊

田家

金克己

捐捐田家苦秋來得暫閒
雁霜楓葉塢蛩雨菊花灣
牧笛穿雲去樵歌帶月還
莫辭收拾早梨栗滿空山

謾興

李仁老

境僻人難到春深酒半酣
花光迷杜曲竹影似城南
長嘯愁無四行歌樂有三靜中

滋味未非是世人諳

九品寺

李奎報

山嶮馬頻蹶路長人易疲
驚鼙時入草宿鳥已安枝
虛閣秋聲早危峰月影遲
僧閒無一事除却點茶時

宿德淵院

落日三杯酒清風一枕眠
竹虛同客性松老等僧年
野水搖蒼石村畦繞翠巔
晚來

山更好詩思自如泉

穴口寺

俞升旦

地遠兼旬路天低近尺隣
雨宵猶對月風晝不飛塵
晦朔潮為曆寒暄草記辰
干戈看世事更羨臥雲人

宿清心樓

鄭樞

夜入黃鸝縣舟人欲卧時
渚行風作暴樓宿月如期
天遠長江濶沙明雜樹奇
三更

發清嘯更覺舞馮夷

萬景臺望海

一抹橫天黑蒼茫望不窮始疑山隱霧漸
見浪浮空日月鴻濛外乾坤浩蕩中長帆
如可借萬里欲乘風

次杜詩韻

韓脩

此日亦云暮百年真可悲心為形所役老
與病相宜篆沒香殘後窓明月上時有懷

無與晤聊和古人詩

霄夢

契遜

龍蛇猶格鬪豺虎尚縱橫不見風塵息胡
為江漢行有身真大累無地托餘生寂寞
中宵夢淒涼去國情

幽居即事

金仲權

家貧營產少草色滿庭除妻病惟須藥兒
癡懶讀書菊從晴後種菜向晚來鋤漸覺

幽居好門無駟馬車

聞雁

鄭夢周

行旅忽聞雁仰看天宇清
數聲和月落一點入雲橫
錦字回燕塞新愁滿洛城
疎燈孤館夜何限故園情

簾

蔡璉

半捲書窓曉新秋霽景澄
風來一陣雨月映萬條冰
煖日篩紅暈遙山漏碧層
香閨

涼夜永幾處隔銀燈

早行

李 樞

凌晨問前路曉色未全分
帶月馬頭夢隔林人語聞
樹平連野霧風細繞溪雲
異國幾愁絕南天無雁群

浮碧樓懷古

乍過永明寺還登浮碧樓
城空月一片石老樹千秋
麟馬去不返天孫何處遊
長嘯

倚風磴山青江自流

平壤有永明寺寺前有浮碧樓俯瞰湨江

千里一碧按朝鮮輿地志浮碧樓即高句麗東明王朱蒙九梯宮也昔東扶餘王娶于河伯女柳花氏是生朱蒙朱蒙生而神靈七歲自治弓矢發無不中年二十二自立為高句麗王四十而卒世傳朱蒙乘麒麟馬上升于天樓前有石曰麒麟窟即升天處也今石上馬跡尚存云

送權使君之忠州

州北有寺為崇仁舊遊

李崇仁

猶憶天開寺青山帶小亭到門無俗客面

壁有高僧百尺臺
臨水千年木繞藤
政清多暇日時復
訪禪櫺

送興教僧統還山

閉門謝客久臨水
送將歸曉月袈裟
冷秋風錫杖飛路
迴千嶂合亭小五
松圍去去真佳勝
風塵足駭機

倚杖

倚杖柴門外悠然
白晝長四山看列
戟一

水聽鳴璫鶴立松巔
暝雲生石竇涼遙憐
十載夢端此卜行藏

挽金太常

禮儀令大叔史學昔公羊
四十人間世千秋地下郎
空庭餘敗草老樹耿斜陽
俯仰成陳迹經過只自傷

山中

鄭道傳

弊業三峰下歸來松桂秋
家貧妨養疾心

靜足忘憂護竹開斜徑憐山築小樓隣僧
來問字盡日為淹留

關山月

一片關山月長天萬里來鳳臺秋思遠龍
笛曉聲哀蘇武何當返李陵亦未回悲歌
腸已斷素影尚徘徊

村居即事

茅茨數間屋幽絕自無塵晝永看書懶風

清岸幘頻青山時入戶明月夜為隣偶此
息煩慮慚非避世人

漫題

李原

短簷臨野渡斜徑出荆榛七里當年釣三
閤此日醒烟籠寒水白山透小簾青地僻
經過少莓苔自滿庭

尋僧

尋師白雲寺躋嶮入仙宮陰壑經春雪長

松盡日風鐘鳴山氣晚門掩月明中最愛
一宵話蕭然萬籟空

贈鄭三峯

鄭生應似我破屋屢遷移只賴同年愛今
為相國知借書乘月讀乞米續晨炊莫說
三峯隱君王亦爾思

過僧舍

鄭招

東嶺臨初日尋師扣石門宿雲留塔頂積

雪擁籬根樹影連深洞鐘聲徹近村坐來
吟未已清興動黃昏

又

獨訪清溪寺蕭然殿宇寒庭空花影轉樹
密鳥聲閒小徑通林外寒泉積翠間更逢
隣叟話竹下暫盤桓

湘水驛

姜希孟

立馬臨湘水登樓望翠巒亂峰來暝色破

葛集輕寒迥野濤
聲壯長天雁影闌
百年愁是半卮酒
強為歡

歸來亭

歸去來何事村居
農事忙趁晴還刈
麥乘雨更移秧供
饁炊新筍携筐摘
小桑委心聊自適
風洒葛衣涼

又

歸去來何事貪看
泉石竒江奔平野
闌山

擁小亭危種竹庭偏靜看花席屢移委心
聊自適漸與世相違

又

歸去來何事菁川坐濯纓竹深村塢寂江
闊野橋平帶月閒垂釣乘春獨就耕委心
聊自適何用絆浮名

遣興

俟長壽

節序忽云暮客行何所之一身長作梗雙

鬢已垂絲短帽風聲緊疎燈夜影遲昨非
今始覺事事不如期

即事

柳橋穿翠密花塢惜紅稀改燧青榆火新
裁白苧衣桑疎蠶已老草茂馬初肥久客
鄉愁切驚魂夜夜歸

潼陽驛

李詹

一粟滄波上飄飄任此身楚山遙送客淮

月近隨人衰鬢渾成雪征衣易染塵那堪
行役久汀草暗生春

偶成

行旅知多少閒人似我稀愛山隨處住得
旬獨吟歸僧院秋方至官途露未晞會當
容此膝江上有魚磯

寄副令

卞仲良

最憐金典校華髮卜山居高枕松聲落虛

憲竹影疎岩耕春種豆水檻夜叉魚盛世
求賢急行當見鶴書

晨興

殘夜涼侵簾虛簷露氣通蘿烟浮宿火窓
曙送疎鐘日出高林外秋生積雨中幽棲
忘盥櫛客到強為容

春事

卞季良

冉冉花期近陰陰徑草深晴光歸弱柳鶯

語到空林幽夢僧來解新詩鶴伴吟境偏
無一事酒債遠相尋

霧泉寺次壁上韵

地僻塵機息高棲暑氣微鳥隨鳴磬下僧
逐暮鐘歸移石雲生袖看松翠滴衣秋霜
山菓熟更此扣柴扉

題安氏園亭

魚變甲

安氏園林好清風一院虛岩松巢老鶴澗

藻聚寒魚對竹傾
新釀穿林摘嫩蔬
君恩慚未報卜此可懸車

禪興路上

權遇

一別禪興路於今四五年
尋芳新草木訪迹舊山川
斷隴犁耕雨荒園鳥度烟
繁華皆已盡滿目總幽然

題西江亭

愛此江亭好登臨
久不回客帆投岸落漁

艇帶潮來極浦寒
烟積遙山返照開
機心消已盡
魚鳥莫相猜

寄權正卿

申叔舟

東極來千里
邊城月再盈
隔江皆虜聚
問地半胡名
鼙鼓連山動
風沙拂面生
和我謀已拙
兩鬢雪花明

桐花寺

曹偉

雲開深洞府
一徑入烟霞
樹密補山翠
溪

明添月華出墻垂露竹繞砌落天花叢桂
堪棲隱徘徊動曉鴉

遊梅林寺

金訢

閒携筇竹杖重訪薜蘿門筍迸添新籜潮
生漲舊痕雲霞藏佛殿烟火隔漁村一夜
僧堂宿悠然遠世氛

有客

僧雪岑

有客清平寺春山隨意遊鳥啼孤塔靜花

落小溪流嘉菜知時秀香茵過雨柔往來
仙洞古已過百年憂

自適

自少無閑意而今愜素心種花連竹塢蒔
藥避棠陰苔蘚人蹤沒琴書樹影深幽情
無與晤石上有橫琴

山中

石徑經春澁柴扉卓午開窓寒深澗遶野

盡疊山來藥向雲中採花因雨後栽翻嫌
鄰叟過芒屨破蒼苔

書懷次叔孫兄弟 成氏

事隨流水遠愁逐亂雲生野色開烟綠山
光過雨明簾前聽燕語林外數鶯聲獨坐
無多興傷心粧不成

田家

李承召

朱夏行將暮村村打麥聲漚麻勤夜績種

豆事朝耕月暈知風起鳩鳴卜雨晴鷄肥
酒新熟父老喜相迎

藍浦道中

匹馬孤城迥高山四望通嵐深疑作雨海
近苦多風鹽竈朝烟白漁村夕照紅他鄉
悲遠役桂樹有芳藂

別贈

俞汝舟妻

恨別逾三歲衣裘獨禦冬秋風吹短鬢寒

鏡入衰容旅夢風塵際離愁閑塞重徘徊
思遠近流歎滿房櫳

寄京洛知己

鄭希良

歲月伽倻國飄零識楚臣數回寒暑變空
使鬢毛新度嶺鄉書晚還家夜夢頻鳳臺
春又過腸斷望歸人

過孫氏園亭

卜築青山下園林數畝荒松為一柱觀菊

作百和香冷砌蘭承露踈籬柿滿霜主人
年八十宴坐惜頽光

春日即事

寄跡青溪曲驚看楊柳新雪簷晴作雨梅
塢暗生春芳草有歸路夕陽無故人年年
看花處老病負良晨

贈安上人

金淨

偶隨流水去還為野雲留未信磚成鏡寧

知石點頭月窺三徑晚雲臥一山秋我為
窮源到非閑息倦遊

登金剛山

文藏千峰外雲霞四野平迥連元氣積高
割半空晴月吟諸天淨風清萬木鳴憑欄
復徙倚直欲望神京

遣興

李誠侃

小雨桃花落殘春燕子飛銀箏金粟柱香

三卷
十六
篋繡羅衣芳草行將暮王孫去不歸秦樓
腸斷夜孤館一燈微

登萬義浮屠

崔守城

古殿殘燈在林稍曉磬清窓開千里盡牆
壓萬山平老木寧知歲閒禽不辨名艱難
憂世事今日愜幽情

書事

申光漢

從兒課舊業謝客閉重関老去難禁病時

平祇愛閒蔬繁微雨後飯熟午眠間幸作
無憂者寧知世事艱

憶馬浦別業

久厭稱朝士深思作老農新庄鳳寺下破
屋竹林中異地尋常憶隣朋邂逅逢村談
不知罷江月上庭松

偶吟

林億齡

志與江湖遠形隨草木衰美人嗟已暮楚

客幾生悲網密魚偏駭機生鳥自疑非無
流水曲何處遇鍾期

送李益之閔外

崔慶昌

江南多暑濕關外足風沙泛梗應無業依
僧便是家天遙歌漢月夜靜聽胡笳幕府

曾知己淹留惜歲華

王京南有漢江其南為江南其北為江北

鐵原咸鏡皆為關外地李布衣奇才不偶窮愁旅食足跡無不遍歷慶昌悲其淹留

晚暮故惜而贈之

初出國門

沈彥光

去去猶三宿依然出晝遲
自慚身進退不繫國安危
豺遘逢王粲麟傷泣仲尼窮途
無稅駕日暮僕夫悲

送潘節使之咸鏡

鄭士龍

中歲分携去傷心聽渭城
暮途偏着恨芳草易闌情
歸雁愁邊侶悲笳塞外聲
馮將他夜夢時到伏波營

豐基軒次韻

宋 璣

洞深雲易暝山峻日先淪
望眼窮青嶂歸心隔紫宸
夜長燈作伴人遠月為隣
曉起看明鏡霜毛颯滿巾

別義原令

梁大樸

古驛臨溪水長楊拂野橋
江南客思苦郭外馬聲驕
芳草何年盡王孫去路遙
美人惜春暮明月幾魂消

與友人宿溼虛寺 李益

東出青綺門漸隨江路分
長松隱白雪亂壑起蒼雲
自然成野性不是去人群
一夜僧堂宿空山頻夢君

寧越道中

五載鄉書遠千峰道路難
東風蜀魂苦西日魯陵寒
野邑連山郭津亭壓水瀾
他鄉亦春色何處酒杯寬

贈雲上人

猶憶中堂夜同聞上院鐘
睽離十三載雲樹幾千重
洗鉢臨山澗攀蘿度石峰
相逢問年歲各怪舊時容

旅懷

風樹多危葉秋山易夕陽
雁行高遠漢蜚韻逼寒床
衰病侵年至愁吟抵夜長
知音空海內誰共一徜徉

村居

村居儘幽絕車馬隔蒿萊
病葉霜前落寒花雨後開
看書從散帙有酒獨傾杯
不是忘機事冥心久已灰

性衍上人禪舍

野外桃花盡梁間燕子飛
烟林一磬出沙浦數僧歸
香積分齋供流雲剪衲衣
栖栖非我意聊此息塵機

寄友人

逆旅相逢處青霜濕桂枝孤舟廣陵別數
載洛陽期拾橡防時饑食松罷早炊匣中
餘寶劍未許茂先知

歸來亭

趙瑗妾李氏

解紱歸來早亭開一水分溪山知有主鷗
鷺得為群秫熟先充釀心閒欲化雲菟裘
終老地非是傲徵君

鍾城

許筠

旅食淹留暮樓煩又僭兵殊方初解語故
國未歸情草合單于壘雲深都護營鄉關
不可望沙磧暮烟生

登義城

許筠

迥野垂天末長江接海流雨餘多牧笛風
急少行舟一鶚穿雲去雙鳬就渚浮相憐
無限思空倚仲宣樓

出塞曲

烽火照長河，天兵出漢家。
枕戈眠白雪，驅馬渡黃沙。
朔吹傳金柝，邊聲入塞笳。
年年長結束，辛苦逐輕車。

昨夜羽書飛，龍城報合圍。
塞笳吹朔雪，玉劍赴金微。
久戍人偏老，長征馬不肥。
男兒重意氣，會繫賀蘭歸。

寄女伴

許景樊

結廬臨古道日見大江流
鏡匣鸞將老園花蝶已秋
寒山新過雁暮雨獨歸舟
寂寞窓紗掩那堪憶舊遊

送兄箴謫甲山

遠謫甲山去江陵別路長
臣同賈太傅主豈楚懷王
河水平秋岸關山但夕陽
霜風吹雁翼中斷不成行

效李義山

鏡暗鸞休舞梁空燕不歸香殘蜀錦被淚
濕越羅衣楚夢迷蘭渚湘雲歇彩幃江南
今夜月流影照金微

又

月隱騷鸞扇香生簇蝶裙多嬌秦氏女有
淚衛將軍玉匣收殘粉金爐冷舊薰回頭
巫峽外行雨雜行雲

五言排律

賦得御苑仙桃

崔惟情

御苑新桃種移從閨苑仙
結根丹地上分影紫庭前
細葉看如畫繁英望欲燃
影連鷄省樹香接獸爐烟
天近先春茂林深帶露鮮
應知王母獻聖壽一千年

幽居

釋圓鑑

棲息紛華外優游紫翠間
松廊春更靜竹戶晝常閑
簷短先邀月牆低不礙山
雨餘

溪水急風定嶺雲閒谷密猿群聚林稠鳥
自還脩然度晨暝聊以養疎頑

上季都護凱還

天朝二十韵

并序

白振南

都護公奉

聖天子命將越甲三千餘人東援小國始
倭奴方熾人民遠竄及公至自海
上嚴令軍士撫循人民人民咸喜

附公舟師而居之不旬月以數千
家頃之與倭奴戰于曳橋公身先
士卒被傷猶裹瘡力戰士卒奮勇
無不一當百倭奴大敗逐北追亡
斬首數百級七載倭奴一旦掃之
公實居多焉先自公屯兵海上南
嘗棹小舟請謁見公儒將也雅善
詩文一見如平生歡自是旦暮相

集每酒闌賦詩以舒豪懷公今凱
旋恐會晤之難期潛然出涕惜別
之情咸盡于詩都護公台州人諱

金

銜命辭江左專征出海東樓船千艘壯龍
虎六韜雄獨負劉生俠爭傳卻轂風誓江
躬奮擢說劍氣凌虹妙畧超三傑神兵似
八公為書思約矢勵志愧和戎鼓角鳴滄

海旌旗拂彩龍長鯨還築觀封豕豈逃置
既斷巴丘象還逢渭水熊投醪知士奮分
食與人同自是無雙將終收第一功風流
安石老矍鑠伏波翁歸意寧彈鋏窮愁浪
撫桐慚非草檄手徒切憤時忠幸保干戈
裡優容氣槩中范袍情似舊陳轄意難窮
客恨憐淮月鄉心逐楚鴻峴山碑墮淚交
趾柱留銅塞草令抽綠烽烟已斷紅旗竿

梟秀吉歸獻

大明宮

朝鮮詩選全集

昌江藍芳威萬里 選

滙東祝世祿無功

全閱

莆口吳知過更伯

東萊韓初命康侯全校

七言律詩

秋日再經盱眙寄李長官

崔致遠

孤蓬再此接恩輝
吟對秋風恨有違
柳已凋新歲葉
旅人猶着去年衣
路迷霄漢愁中
老家隔煙波
夢裡歸自笑
此身如社燕
盡梁高處又來飛

送吳進士巒歸江南

自識君來幾迴別此迴相別恨重重干戈
到處方多事詩酒何時得再逢遠樹參差
江畔路寒雲零落馬前峯行行到處傳新
作莫效稽康盡放慵

鏡湖

崔承祐

採蘋山前越國中麴塵秋水澹連空蘆花
散落沙頭雪菱菜吹生渡口風方朔絳囊
遊渺渺鸕夷桂楫去恣恣明皇乞與知章

後萬頃烟波自不窮

憶江南李處士

崔匡裕

江南曾過戴公家
門對空江浸曉霞
坐月芳尊流竹葉
遊春蘭艇泛桃花
庭前露藥紅侵砌
窗外晴山翠入紗
徒憶舊遊頻結夢
東風憔悴泣京華

對菊有感

金富軾

季秋之月百草死
庭前甘菊凌霜開
無柰

風霜漸飄薄多情蛺蝶猶徘徊
牧登驛翠微去陶潛悵望白衣來
我思故人三歎息月明忽照黃金壘

寄忠州刺史

鄭知常

暮經霸鷺峯前路朝向分行樓上吟
花接蜂鬚紅半吐柳藏鶯語綠初深
一天春色無窮恨千里皇華欲去心
回首中原人不見白雲拂地樹森森

登高寺

石徑崎嶇苔錦斑
錦苔行盡入禪關
地應碧落不多遠
僧與白雲相對閒
風煖燕飛來別殿
月明猿嘯落空山
丈夫本有四方志
吾豈匏瓜繫此間

開聖寺八咫禪房

百步九折登巔
阮家住半空
惟數間
霧泉澄清寒
水落古壁
黥淡蒼苔
斑山頭松老

一片月天末雲低千點山紅塵萬事不可
到幽人獨得長年間

蘇來寺

古徑寂莫縈松根天近縣河若可捫行雲
流水客到寺紅葉蒼苔僧閉門秋風微涼
吹落日山月漸白啼清猿奇哉麗眉一老
衲長年不夢人間喧

太原寺

薄嶺三年百病身
禪關虛殿絕飛塵
高低岩樹疑無路
次第天花別有春
古洞烟霞俯仰異
晴峯蒼翠往來新
遠公不用過溪水
自有山僧解送人

雞足山定慧寺

雞足山前數日留
烟霞清思更悠悠
衆天老木難為歲
拔地修篁不受秋
石壁萬重雲浪擁
瀑泉千尺玉虹流
蒲團穩入老僧

定杜宇一聲山更幽

重遊北山

李奎報

俯仰頻驚歲屢更十年猶是一書生偶來
古寺尋陳迹却對山僧話舊情半壁夕陽
飛鳥影滿山秋月冷猿聲幽懷鬱鬱殊難
寫時下中庭獨步行

朝宋過泗州山寺

朴寅亮

巉巖怪石自成山上有蓮坊四水環塔影

入江翻浪底鍾磬敲月落雲間門前客棹
洪濤疾竹下僧碁白日閒一奉皇華堪惜
別更留詩句約重攀

漫題

崔滋

清溪碧樹遠虛堂已覺栖遲野興長蕭洒
軒窗負亦好蹉跎書史老難忘花含細雨
春陰薄山帶疎煙曉氣涼老去酒腸怯涓
涓客來時復強携觴

瑜伽寺

金之岱

寺在煙霞寂寞中
岩松澹翠秋光濃
雲間絕磴六七里
天末遥峰千萬重
茶罷茅簷見微月
講闌風榻聞殘鍾
溪流應咲玉堂客
欲洗未洗紅塵蹤

月影臺

為崔致遠舊遊

虛亭草合路崔嵬
忽憶崔侯一上臺
風月不隨黃鶴去
煙波還逐白鷗來
雨餘山翠

濃流檻風急松花乳入杯更有琴心隔塵
土他年好共野雲迴

重陽

秋晚長風萬里來登高極目思難裁莫辭
白酒殷勤倒可惜黃花爛熳開懷士士衡
猶得信登樓子美不勝哀舊遊高會今餘
幾感歎諸公骨已苔

太原寺泊

朴浩

秋花如雪雁南飛倚棹行人動所思
晚浦風微青靄合霽江雲盡碧天垂
難潮冷撲漁舫枕蟹火斜連野寺籬
湘瑟未休峰自翠錢生新得夢中詩

七夕

李穀

平生蹤跡等雲浮萬里相逢信有由
天上風流牛女夕人間佳麗帝王州
笑談款款尊如海簾幕深深雨送秋
乞巧裁衣非我

事且憑詩句遣間愁

三月晦日即事

喫遜

大麥青青小麥齊
柳花如雪杏花稀
風前一鳥驚人起
天際孤雲學雁飛
轉愛晴光即欲醉
却愁春事便相違
錦韉玉勒紛紛滿
日暮行吟獨自歸

江水

金九容

江水東流不復回
雲帆萬里向西開
菰蒲

兩岸微風起楊柳長堤細雨來驚夢遠迷
箕子國旅愁獨上楚王臺行行見說巫山
近一聽猿聲轉覺哀

太倉贈工部主事胡璉

鄭夢周

駿馬翩翩事遠遊異鄉萬里歎淹留無人
為下陳蕃榻有客獨登王粲樓萬戶砧聲
明月夜一江帆影白蘋秋時來飲酒城東
市豪氣猶能塞九州

使日本

使節偏驚物候新
異鄉蹤跡任浮沉
張騫槎上天連海
徐福祠前草自春
眼為感時垂淚易
身緣許國遠遊頻
故園幾樹垂楊柳
應向東風待主人

望景樓

百尺樓高石徑橫
秋光一望不勝情
青山隱約扶餘國
黃葉紛紜百濟城
九月西風

寒客袂百年俠骨誤書生天涯日沒浮雲
合回首依依望玉京

定州九日

定州重九登高處依舊黃花照眼明江浦
南連宣德鎮山峰北倚女真城百年戰國
興亡歎萬里征夫慷慨情酒罷元戎扶上
馬淺波斜日照飛旌

九日明遠樓

青溪石壁抱周迴更起新樓勝自開南畝
黃雲知歲熟西山爽氣覺朝來風流太守
三千石邂逅故人三百杯直欲夜深吹玉
笛高攀明月共徘徊

蓬萊驛示韓書狀

昨日張帆涉海波鄉山回首鬱嵯峨地經
遼海軍容壯路入登萊景勝多客子未歸
逢燕子漁歌繞聽又樵歌同行幸有韓生

在每把新詩日共哦

皇州

鳳閣祥光動曉螭
漢廷歌徹大風詩
山河帶礪徐丞相
天地經綸李太師
歌管林亭春爛熳
鞦韆臺榭月參差
始知聖澤深無限
共享昇平萬世期

林川樓次韻

李崇仁

天涯作客獨登樓
滿目風烟暝色浮
東北

雲高華嶽遠西南天濶大江流萬家急杵
催深夜幾度飛鴻入暮秋倚柱愁懷不可
極他鄉何事久淹留

九日次韻

釋禪坦

一曲高歌金縷衣黃花無處不扶歸江湖
日月琴樽好溪寺煙霞人馬稀萬壑雨驚
紅葉遍四山朝見白雲飛倚欄滿目悲秋
意未落年年心事違

遊紫清宮

僧宏演

洪厓先生舊所隱階下碧桃花飄零夜光
出井畱瓊液露浥松根生茯苓天女或携
綠玉杖仙人自讀黃庭經隣寺歸來不五
里回頭望斷烟冥冥

青玉峽

開元寺裡觀瀑布劍光凜凜當窻前山僧
出定春已老樵客採薪花欲燃丹極雲空

群鶴舞銀河夜漲雙龍懸題詩最憶謫仙
子碧海騎鯨今幾年

紫霞宮

避暑看山上石臺紫霞宮殿一時開松陰
匝地青流嶂榭葉連山翠作堆童子雲中
採藥去野僧竹外抱琴來汲泉煮茗渾閒
事不用葡萄浸酒杯

聞老妓彈琴

朴致安

七寶房中歌舞時
那堪寂寞老荒陬
無金可買相如賦
有恨空歌班女詩
珠淚幾霑吳練袖
薰香猶拂越羅帷
夜深窓月絃聲急
祇恨生平無子期

次李奎報

金守溫

廿載東西逐轉蓬
登樓聊喜使君同
雨聲長在芭蕉葉
春色徧留芍藥叢
身世已餘杯酒外
光陰空惜路岐中
清宵猶作江南

夢萬樹桃花十里紅

塞上

鄭希良

雉堞連雲地勢雄
笛聲吹徹戍樓空
將軍射透三重甲
壯士彎迴八石弓
胡地牛羊隨放牧
漢家關塞絕煙烽
我來更覺無餘事
日日城頭數斷鴻

偶題

十年磨劍遠平戎
勲業蕭條歎轉蓬
瘴氣

橫空雲似墨胡山如削雪為峰地連龍穴
天多雨門對鯨波晝亦風幾被故人吟桂
樹客窓落莫數歸鴻

漫書

鴨江如帶去悠悠歲月無聲暗逐流萬里
胡天雲出塞一聲羌笛客登樓長風忽送
燕山雨斷雁初歸鶴野秋對酒却歌鄉國
異孤城落日獨搔頭

又

滿目風煙碧海頭
旅懷憔悴強登樓
四山到野天疑盡
一水涵空地若浮
長日晴看黃犢草
輕風醉泛白蘋洲
已知聖代多豪俊
似我端宜老釣舟

次華使張承憲公遊漢江申光漢

天上河源落五臺
樓前澄影隔塵埃
楊花盡帆歸遠楮
島烟消雁影來
物色不隨

遊子去芳樽今為使君開三韓勝地皆方
丈更借仙風傾一杯

癸巳三日寄茅洞瑞山

去年三月初三日燕已歸巢花已開人事
天時多異態別情春思重相催前村後谷
應無恙舊約同遊抵不來茅洞風流還可
繼善山雖去瑞山回

又

三三九九年年會舊約獨存事獨非芳草
踏青今日是清罇浮白故人違風前焚語
聞初嫩雨後花枝看亦稀茅洞丈人多不
俗可能無意典春衣

尋僧

李誠侃

招提何處指山樵十里危峰石磴遙鳥逐
白雲歸暝壑月隨滄海上寒潮壯心老去
早無賴幽興年來尚未消回首下方鐘磬

動煙村漠漠隔雲霄

送李汝受赴大都 崔慶昌

使君鼓角向邊州
碧霧青霞拂短轡
雁落野田孤驛曉
葉飛官路亂峰秋
途徑遼左寒霜早
江出夷中冷氣浮
王事直須君努力
西風吹敝黑貂裘

客中送別

早秋榆葉滿寒城
紫塞新霜旅雁驚
千里

鄉愁頻結夢十年歸思渺無成胡笳未斷
先垂淚磧月初生獨倚楹無限西風仲宣
恨天涯還送故人行

道中

舜家十載事戎鞍勲業蕭條愧鵬冠錦字
樓中書未達黃榆塞上夢偏寒長途歲月
行盡盡故國愁懷苦未闌回首咸關二千

雲山疊疊路漫漫

送僧遊頭流山

在南原一名智異

神興洞口憶同遊回首煙霞二十秋
幽夢已隨青鶴去野情還為白雲留
餘生欲老雙溪寺長日頻登八詠樓
惆悵至今歸未得風塵流水歎悠悠

客北原送李益之遊龍城

梁大樸

青燈遙夜夢還家家在龍城碧水涯
松徑

幾寒孤鶴夢竹窻又發早梅花殊方物候
情懷薄岐路悲吟感慨賒落日橫岡送遠
目關河不盡亂雲遮

送林評事之關西

驅馬關河事壯遊天涯佳節早驚秋樓臺
明滅渭江水羅綺紛紜浮碧樓岐路流雲
無限恨遙天落日有餘愁西風莫唱陽關
曲世事催人易白頭

別李博業

紫塞悲歌淚滿衣
早秋榆葉碧天稀
錦江菱子鷗波冷
庾嶺梅花驛使稀
長路風塵欺客子
故園松桂掩荆扉
相思獨繫孤舟月
夢逐流雲夜夜飛

暮春即事

林子順

日暮池塘動乳蛙
小窗寒色入輕紗
雲連華嶽三千里
雨壓都城十萬家
春掩落花

深院靜夢回芳草故園賒旅窓又見東風
晚梁甫吟成髯欲華

寄許典校美叔

時蒞謫
甲山

落日涼風起綠槐雁行歷亂動離懷相如
已抱三年渴龐統元非百里才寒入碧梧
朶雨霽天連青嶂野禽來故鄉一夢西樓
月蘆荻深深舊釣臺

惠上人僧舍

白光勲

山徑蒼茫露葉繁
禪房寂莫隔塵喧
百年身世客迷路
萬壑雲霞僧掩門
晴澗採樵隨野鶴
秋林摘菓對寒猿
簷前鍾磬清如許
時逐輕風到遠村

燕京旅懷

尹根壽

客庭正值西風晚
落木蕭蕭菊又殘
千里鄉書雲外斷
幾迴霜月旅中看
碧天獨雁頻呼侶
紫塞重陰忽作寒
旅夢不辭關路

遠統軍亭畔幾馮欄

夜集次韻

盧龍臺畔水潺湲繫馬悲歌入夜筵羌笛
傷心沙塞月菊花驚眼異鄉天山空野迥
長風急海濶城高夕照懸明日更登關外
路帝鄉回首却茫然

燕京別葉叅軍

旅館寒宵白雪霏朔風凜凜透征衣三年

滄海鯨猶偃千載遼城鶴未歸長路關心
榆塞迢遙天回首鴈書稀分岐未卜重逢
地去住茫然對夕暉

感懷

尹國馨

麻衣偏拂路歧塵鬢改顏衰曉鏡新上國
好花愁裡豔故園芳樹夢中春扁舟煙月
思浮海匹馬關河倦問津七載干戈歎離
別綠楊鶯語太傷神

西江客懷

朴淳

西風蕭颯動龍山一棹悠然倚木蘭霞飲
夕暉紅渺上雨餘秋水碧漫漫丹楓葉盡
歸鴻怨紅蓼花殘宿鷺寒頭白又為江漢
客滿天清露泝危灘

魚面堡

許筠

榆塞經年事鼓鼙天涯芳草又萋萋成樓
角邊聲急沙磧寒雲殺氣迷鉄騎倦嘶

鯨海北玉人愁絕鳳城西孤燈落莫不成
寐月白轅門動曉鷄

避亂遇金而吉賦此贈別

李益

干戈數載陣雲昏白首相逢江上村話舊
不知雙淚落吊亡今見幾人存傷心故國
春無主寒食東風客斷魂去住無家空悵
望何年流水共柴門

贈僧

道人與世本忘機
服藥參禪自不迷
木落曉天歸院日
雪殘春野入山時
經行古峽飛松粉
宴坐空岩長石芝
幻境已隨流水盡
白雲難負素心期

九日送伯宗朝天

盧龍臺近左賢王
關下沙榆葉漸黃
司馬風流仍意氣
賈生年少更文章
烏蠻館裡

老金門行馬隔雲霄

送友兼柬楊使君

青山閉戶斷經過送客西郊動玉珂芳草
野橋春水合乳山江渚夕陽多耕夫就餉
林中語織女柔桑陌上歌聞道使君哀赤
子近來新政拙催科

青樓怨

李淑媛

羅帷纖縷百和香煖氣氤氲小洞房腸斷

秦樓分翡翠波沉湘浦隔鴛央南窗明月
懸朱綴北牖嬌雲冷玉床十二斜行金雁
柱碧紗如霧夢偏長

春日有懷

章臺迢遞斷腸人雙鯉傳書漢水濱黃鳥
曉啼愁裡雨綠楊晴拂望中春瑤堦歷乳
生芳草寶瑟淒涼暗素塵惆悵木蘭舟上
客荷花開遍廣陵津

看新曆青海城頭憶故鄉作客不堪當九
日寒花聊贈一枝芳

客懷寄友

天涯浩蕩任西東到處悠悠逐轉蓬同舍
故人流落後異鄉新歲乳離中歸鴻影度
千峰雪殘角聲飛五夜風惆悵水雲關外
路漸看芳草思無窮

道中感懷

龍泉鑪澁匣中悲十月西風雨髣髴落葉
滿山秋寺閉寒沙連渚小橋危孤帆遠落
青山夕匹馬長征碧草衰寥落故居空入
夢亂雲深處有茅茨

旅次上尹相公根壽

疎衾秋氣夜迢迢深屋寒螢度寂寥江月
滿庭清露落天風吹袂絳河遙羈人夢杳
青山路禁漏聲殘碧玉橋回首更懷東閣

燕

畫棟深深翠幙低
雙飛雙去復雙棲
綠楊門巷東風晚
青草池塘細雨迷
趁蝶幾翻穿藥圃
壘巢終日啄芹泥
托身得所棲偏穩
養子年年羽翼齊

次南莊歸興

許筠

早卜青山架竹樓
卧看晴日漸悠悠
泉流

藥圃春偏靜雨足花欄晚更幽
悔向風塵趨北闕何當烟月醉西疇
長安道上新如桂忽負今朝季子裘

又

松關竹徑帶晴烟家住溟州第二天
遠屋溪聲來更遠捲簾山色自堪憐
家人宿火炊籬菜坐客清談汲茗泉
偏縛塵纓為傲

吏幾將鄉思賦歸田

筠家江陵江陵古溟州也在五臺山下三

韓有十二洞天此為
第二洞天

浮碧宴別

東南山繞大江來一帶城臨碧水開白露
初凝箕子國紫雲半傍越王臺金釵影裡
華燈燦玉樹歌前畫角催明日別愁還萬
里危樓殘月盡餘杯

遊龍山

梁亨遇

桃花開後杏花稀客子來時燕子飛山郭

數村芳草合野籬三面乳峯圍風塵歧路
何年盡破帽長裾此計非遙憶故鄉歸未
得白鷗春水掩柴扉

次伯氏望高臺

許景樊

層臺一柱壓嵯峨西北浮雲接塞多鐵峽
霸圖龍已去穆陵秋色雁初過山迴大陸
吞三郡水割平原納九河萬里登臨日將
暮醉憑青嶂獨悲歌

塞上次伯氏

侵雲石磴馬蹄穿陟盡重崗若上天秋晚
魚龍滙巨壑雨晴虹蜺落飛泉將軍鼓角
行邊急公主琵琶說怨便日暮為君歌出
塞劍花騰躍匣中蓮

贈星庵女冠

淨掃瑤壇揖上仙曉星微隔絳河邊香生
岳女春遊襪水落湘娥夜雨絃松色冷侵

虛殿夢天香
晴拂碧堦泉
玄心已悟三
三境玉塵何
年駕紫煙

宿慈壽宮贈女冠

燕舞鶯歌字
莫愁十三嫁
與富平侯
厭携寶瑟彈
朱閣喜着花
冠禮玉樓琳
館月明簫鳳
下綺窗雲散
鏡鸞休乘風
早赴瑤壇會
鶴背泠泠一
陣秋

送宮人入道

早辭清禁出金鑾換却鴉鬟着玉冠滄海
有期應駕鳳碧城無夢不驂鸞瑤裾振雪
春風煖瓊珮鳴空夜月寒幾度步虛霄漢
上御衣猶似捧宸歡

次孫內翰北里韻

初日紅欄上玉鈎丁香葉葉結春愁新粧
滿面貪看鏡殘夢關心懶下樓夜月雕床
寒翡翠東風羅幙引笙篴嬌紅落水堪惆

帳莫把銀盆洗急流

次伯氏詩

甲山東望鬱嵯峩遷客悲吟意若何孤雁
忍分清漢影朔風偏起大江波關榆曉角
征衣薄塞路驚心落葉多銀燭夜闌成悵
立庭闈歸夢好經過

時美叔以謫居謫故
其言若此蓋寄懷之

也作

送伯氏詩朝天

六年離思倦登樓落日涼風又別愁湘浦
淚痕還入楚帝鄉行色早觀周銅壺暗促
鷄人曉紫塞寒飛鶴夢秋歸路正看萱草
碧盡欄西畔繫驂驕

步虛詞

橫海高峰壓巨鰲六龍齊駕九河濤中天
飛閣星辰迥下界烟霞歲月遥金鼎曉炊
涼露液玉壇夜動赤霜毫蓬萊鶴駕歸何

晚一曲鸞笙猷碧桃

望高臺次伯氏

幾載行遊一劍光倚天危閣挂斜陽河流
西去迴雄郡山勢南來隔大荒脚下白雲
飛冉冉眼前青海入茫茫碧天極目時回
首塞馬嘶風殺氣黃

